



Broj: T14 0 KT 0038237 25
Bijeljina, 09.09.2026. godine

-Potvrđena, 23.09.2026. godine-

OSNOVNOM SUDU U B i j e l j i n a

Na osnovu člana 43. stav 2. tačka z), člana 233. i člana 241. stav 1. Zakona o krivičnom postupku Republike Srpske, **p o d i ž e m**

O P T U Ź N I C U

PROTIV:

ANĐELKA ČOLIĆ zv. "Čoki", rođen 11.06.2004. godine u Brčko Distriktu, (...)

ŠTO JE:

1) Dana 10.09.2025. godine, u 21,15 sati, u Bijeljini, u ul. ... broj ..., sprat ..., nakon što su policijski službenici PU Bijeljina – Jedinica žandarmerije pristupili realizaciji usmene Naredbe za pretresanje stana i drugih prostorija Osnovnog suda u Bijeljini broj: ... od ... godine, kada je policijski službenik – vođa tima L. B. pokucao na varata i legitimisao se da je policija s ciljem ulaska u stan i stavljanja lica pod kontrolu, ovaj je *iako svjestan da upotrebom sile sprječava službeno lice u vršenju službene radnje obezbjeđivanja lokacije za pretresanje i stavljanja lica pod kontrolu, što je i htio*, otvorio vrata od stana držeći u ruci nož, pa kada se uvjerio da su policijski službenici, upotrebom fizičke snage gurao ulazna vrata od stana pokušavajući ih zatvoriti i spriječiti ulazak policijskih službenika, nakon čega su policijski službenici L. B. i J. B. potiskivajući ulazna vrata od stana uspjeli ući u unutrašnjost stana i Anđelka staviti pod kontrolu i lišiti slobode.

Dakle, upotrebom sile pokušao spriječiti službeno lice u vršenju službene radnje koju je preduzelo u okviru svojih ovlaštenja,

2) Dana 10.09.2025. godine oko 21,15 sati, u Bijeljini, ul. ... broj ..., sprat ..., protivno članu 4. stav 1. i članu 19. stav 1. Zakona o sprečavanju i suzbijanju zloupotrebe opojnih droga („Službeni glasnik BiH br. 8/06 od 07.02.2006. godine), *iako je znao da se radi o opojnoj drogi, kao i da je neovlašteno držanje radi dalje prodaje iste zabranjeno, a što je i htio*, neovlašteno, u stanu koji koristi radi dalje prodaje držao **jednu /1/ pvc vrećicu sa sadržajem biljne materije neto mase 2,0933 grama, dva /2/ paketića pojedinačno upakovani u plastične vrećice sa sadržajem biljne materije neto mase 94,6500 grama i 94,4980 grama**, kao i **jednu /1/ metalnu drobilicu** sa tragovima zelene biljne materije, a koja biljna materija sadrži Tetrahidokanabinol /THC/, Kanabinol /CBN/ i Kanabidiol /CBD/ i potiče od biljne vrste Canabis Sativa (L) Konoplje, a Canabis Sativa (L) Konoplja – marihuana je Listom o utvrđivanju spiska opojnih droga psihotropnih tvari i prekursora proglašena za opojnu drogu pod rednim brojem 13., Tabela I („Službeni glasnik BiH“, broj 8/06).



Dakle, neovlašteno radi dalje prodaje držao supstance ili preparate koji su proglašeni za opojnu drogu,

3) Dana 10.09.2025. godine u 21,15 sati, u Bijeljini, u ul. ... broj ..., sprat ..., *iako je bio svjestan i znao da se radi o posebnoj opremi za vatreno oružje čija nabavka građanima uopće nije dopuštena, a što je i htio*, suprotno članu 8. stav 2. u vezi sa članom 7. stav 1. Zakona o oružju i municiji RS-a, neovlašteno držao **jedan vojni nož-makaze**, sa pripadajućim koricama, model 6x4, bez fabričkog broja, dužine sječiva 150 mm, koji čini sastavni dio automatske puške obrazca Kalašnjikov oznake AKM, cal. 7,62 mm i AK-74 cal 5,45 mm., kao i **jedan vojni nož-makaze** oznake M1970 (tip II), fabričkog broja ... na nožu i ... na nožnici, dužine sječiva 146 mm, koji čini sastavni dio automatske obrazca Kalašnjikov, puške AP M70 cal 7,62 mm, a koji predmeti su u skladu sa odredbom člana 7. stav 1. Zakona o oružju i municiji RS-a svrstani u kategoriju „A“ zabranjeno oružje, a isto su ovlaštena službena lica pronašla i izuzela prilikom pretresa stana koji koristi.

Dakle, neovlašteno držao sastavni dio vatrenog oružja, čija nabavka građanima uopće nije dozvoljena.

Čime je pod tačkom 1) počinio u pokušaju krivično djelo – *Sprečavanje službenog lica u vršenju službene radnje*- iz člana 306. stav 1. u vezi sa članom 22. Krivičnog zakonika Republike Srpske u sticaju sa krivičnim djelom – *Neovlaštena proizvodnja i promet opojnih droga*- iz člana 207. stav 1. KZ RS-a opisano pod tačkom 2. u sticaju sa krivičnom djelom – *Nedozvoljena proizvodnja i promet oružja ili eksplozivnih materija*- iz člana 361. stav 3. u vezi sa stavom 1., a sve u vezi sa članom 56. istog Zakonika.

[...]

OKRUŽNI JAVNI TUŽILAC

Napomena:

„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“